

瀘谿縣志

0250.17
38
1708



瀘谿縣志

瀘谿縣志

瀘谿縣志序

余以同治戊辰改官其明年捧檄來宰斯邑甫入境愛其林茂泉甘黍稻被野風氣樸厚近古及接篆視事謁祠廟閱城池荆榛瓦礫荒涼滿目則皆十餘年來寇燬殆盡者也爲之感慨不已將擬修舉廢墮粗幸一二要端有成傷民力之難於支柱也公暇搜覽舊志紀載皆有可觀蓋修自道光九年距今四十餘載蠹蝕劫灰之遺寥寥矣其間時事之變易人物之盛衰洊經兵燹而後義人烈士婦女殉節殞身者蓋不可勝數使不及今搜羅採錄吾恐毅夫之碧血空殷野草而曹娥龐娥親之碑無由激清風而覓片石也况夫文人達士修行立名凡有關於人心風俗者

瀘谿縣志

卷首序

一

在在不容磨滅方欲商確重修適

上憲諭郡邑修志謀諸列紳欣然樂從或膺採訪任募捐而志局諸君孜孜纂載余時往來上下其議論雖體例條目悉因前志而於平陂徃復之故幽光潛德之美較前志殆有詳無畧抑猶憾江陵一炬民間藏書亡失其故實有不可得而考也今幸志稿甫就開雕有日余方調簾赴省又將改篆東鄉是則宦蹟鴻泥不及終始其事能無慨然已乎嗚呼以余樂瀘民情之厚民亦安余之拙方思優游浸漬補苴罅漏而今不可復得矣此其有志未逮而不能已於懷者又豈獨邑乘之葢否也哉於其將行也書數行於卷首所以誌余感而慰勉乎瀘人也

同治九年庚午秋月知縣山右右玉楊松兆序

瀘谿縣志

卷首
序

二

瀘谿縣志序

夫山川之靈異鍾於人則爲賢俊萃於物則爲美材所以一邑之人民物產有高出庸流超越凡植者必表而出之歷百世而不磨此志之所由作也瀘邑四面皆山層巒麗霄秀嶺環雲風俗則質樸無華村墟則安恬自適入斯境者恍遊武陵於物外而怡情青谿雲林間也今年奉中丞劉憲飭下亟令各屬續修舊志彙省總修噫吁噉盛矣哉夫中丞以數年之善政撫恤瘡痍噢咻瑣尾旣已惠澤滂流而又關心數十年問賢士芳踪貞嫠懿行慮其湮沒不彰悉得登之簡冊炳炳烺烺聿垂厥德譬之西伯深仁澤及枯骨不是過也其時督紳舉辦爲前令楊

瀘谿縣志

卷首序

一

枚臣太史躬逢其盛肩任其勞所有籌欸諸務罔不裕如而諸紳採訪川無遺珠及僕仲秋念五來令是邑而功已過半茲則剗劂告成諸紳索序於余余愧不文曷克摛華弁首然而景仰斯邑前賢卽夥後起繁興自茲以往賢哲挺生英華輩出使鍾毓之靈古今同轍是則睪然所高望焉謹序

同治九年歲在庚午孟冬月之吉知縣會稽補山氏孫毓

秀序

瀘谿縣志舊序

邑之有志所以存往而詔來也山川之險夸疆里之遠近
戶口之繁簡風俗之醇漓人物之盛衰物產之多寡胥於
志焉紀之然其要有一二日詳匪詳則漏二日核匪核則
誣誣與漏求其垂久遠難矣瀘谿舊爲南城僻壤歲已卯
朝用守臣議肇建爲邑余自萬載移令茲土至之日邑治
僅草創諸務未備余漸次拮据甫一年零八月羸將就緒
而邳州之命下士與民安余之拙而不余釋也乞畱於兩
臺兩府卽具疏聞居無何成命莫回余乃謝慰士民戒行
有期矣顧新邑未有志則存往詔來之道闕將無首政者
責乎乃攷南城舊志參以眾言彙次成帙分爲五卷備邑

瀘谿縣志

卷首 舊序

一

志焉噫綱舉目張細大罔棄余以爲詳且核矣不知識者
觀之得免於誣與漏否也倘不免焉釐而正之在於後之
君子萬麻癸未仲春月知縣陳王廷序

瀘谿縣志舊序

夫縣之有志卽古列國史也觀風俗稽產賦攷人物僉於是乎在先邑令陳君王廷因初造之邦集闔境事宜而志之顧時當草創或遺而未錄或錄而未確或今昔賦役之遞更或新舊令甲之迭變勢難沿舊簡而不釐正之也歲己酉冬余承乏是邑讀其志急欲議修以新任未暇也越庚戌辛亥先後奉憲命議官解編賦役審丁糧均里甲罷坊長建倉儲立壇壝闢武場諸務蝟集仍未之暇越壬子府修志而取縣志以人余幸諸務就理乃選弟子員設局編纂旋余奉檄代庀黎水迨癸丑秋始還深虞事之不終也復延魏生各魁傳生先覺林生士講曾生于陞分類審

瀘谿縣志

卷首 舊序

一

定雖以甲寅之春夏大饑亦不使至於廢閣迄孟秋而志成焉是役也筆削品隲余不與聞惟專其事於載筆者咸謂例宜敘余愧困簿書不能文然吾瀘人文蔚起風俗淳厚其大者坊里罷革官解新行紀一縣事宜備矣所望科第蟬嫣敦龐比屋罷者終罷永無雞犬之煩擾行者力行長免飛輓之艱苦則斯志也其足以宣上德而示後信已乎萬曆甲寅年季秋月知縣梁應掄序

瀘谿縣志舊序

今天下郡邑各有志矣備載山川土田戶口之數風俗貨產人物之宜論者謂功與史等然史兼善惡而志取褒嘉史詳議論而志專敘述微論體裁不同而繁簡亦異要其網羅放失宣諭風教其指一也仰惟

聖天子右文興治經制史策諸大典方次第纂修茲又

允閣臣之請謂各省通志官修以備一代文獻余惟瀘雖褊壤而其山川土田風俗貨產載諸前志者詳矣特以時代塵邈兼值兵燹其間文章勲伐傑士貞媛豈無湮鬱而不彰者乎爰與衿紳耆碩暨僚屬參互考訂繁者刪之訛者正之幽隱弗著者則蒐取而闡揚之凡以仰副

瀘谿縣志

卷首 舊序

一

聖天子右文興治之意使知瀘雖褊壤其燦然列諸志乘者亦堪媲美上國爾愧余譎劣少文不無舛錯之謬然品隲資於故老考核訪諸通人一篇之中未嘗不三致意焉後之官茲土者一展卷而犁然畢具於以興利除弊莫瀘人於安阜不難矣若徒馳騁文藻上無當於採擇下罔裨於彝教余雖寡昧烏敢出此哉康熙十二年癸丑春月知縣莆陽余履度序

瀘谿縣志舊序

今

上之二十二年予奉

簡書來吏於瀘入其境見原野蕭條履其縣觀城郭傾圮官廡不備民居弗治斷瓦積垣悲淒滿目越月被憲檄續修志書夫瀘之有志修之已在十年之前矣所闕者不過十年以後事耳然則何以續之山川土田食貨禮教等類無庸增新地茶敝之餘有能補偏救弊爲功於時者得揭而書之然秩官良牧儒學邑佐鎮防諸類顯而易見余得而專之若人物有德行文章節烈淑媛諸類此隱而未彰者地公諸故老衿紳裒輯而品隲焉續其往并續其來是在科

瀘谿縣志

卷首 舊序

一

名也瀘開縣於先朝垂七十年成進士者一登賢書者三覆育於

國朝者四十年登賢書者五以勢揆之展以年歲所成就必有大逾於昔者卽如予前考校時應童子試者七百餘人此中縣之所庶幾而瀘谿以十六都置有之予度異日必有文章華國起而黼黻

皇猷者用是弁數話於首康熙癸亥嘉平月知縣衛執躬序

瀘谿縣志舊序

歲在丁未仲春予膺

簡命來令瀘陽惟愧株守一經不諳吏治方懼覆餗奚暇網羅
舊聞補輯軼事俾譚人誦識於內訓方氏達情於外小行
人持以獻之於

當宁哉第承乏五載幸免隕越兼承邑中諸君子匡其不逮庭
閒事簡盃飲谿流琴彈鶴署差免負乘之羞矣獨是瀘邑
原隸南城自萬厯六年闢壤分疆業經前令四次釐訂成
書迨康熙二十二年修纂後歷今四十九載缺焉莫續致
使吏治人文幽光潛德漸滅無傳不幾蹈俗吏習哉幸邑
人士以重修瀘志爲請乃筮吉啟局以踵前修竊念有美

瀘谿縣志

卷首 舊序

一

弗彰失之漏無美妄綴失之濫爰於事之遠者從略事之
近者從詳疑者闕而弗論庶不至附會失實耳會正月未
開篆有餘閒取所輯詳加考核事必確實辭尚謹嚴以見
瀘雖僻邑而人交樸茂女士幽貞足爲樂國矣於是乎序
雍正九年辛亥歲正月望日益津李如璠書

瀘谿縣志舊序

地之有志昉於禹貢山海經而在周禮職方爲最詳春官小史掌邦國之志外史掌書外令掌四方之志秋官小行人使適四方萬民之利害禮俗政事悖逆暴亂札喪凶荒康樂和親各爲一書以周知天下之故此後世地理書之濫觴也我

國家車書大同一統志而外有省志郡志下逮繁簡各縣莫不有志大抵倣史漢之遺意何則志列封域山川形勝貢賦猶史漢之有地理河渠溝洫食貨也志列人物名宦猶史漢之有世家年表列傳也瀘邑僻在萬山在建屬爲最小其志創於前明邑令陳君嗣是屢經修輯最後前令李

瀘谿縣志

卷首 舊序

一

君修於雍正九年迄今二十年矣賦役日益輕人文日益盛與夫閭閻節孝歷任宦績有應增入者旣不可緩而前志中有煩討論修飾者亦未可略而不講也余闕左迂儒戊辰會試獲售蒙

聖恩引

見授以民社銓曹籤掣江右題補是邑受事之初卽奉大府檄修志自慚固陋不堪勝任又以公事劬勩無暇至庚午春乃延紳士集議莫不踴躍捐貲遂於五月開館敦聘名彥殫精竭慮增畧刪繁其好惡端其去取嚴於昔人所譏失之隘失之誣失之濫失之私者吾知免矣夫瀘俗尚敦龐性多樸僊其業詩書者敦品務農田者勞力無紛華靡麗

之悅熙熙自得猶有古風余蒞任以來素餐滋愧而百姓
安余之拙境內寧謐昔歐陽永叔之治滁也謂樂其地僻
而事簡又愛其俗之安閒故與滁人樂年歲之豐以沐浴
於聖世之功德今余於瀘亦云然君子謂觀於鄉而知王
道之易易者良不誣也他日者太史採風足徵道德一而
風俗同又何不可信今而傳後也哉乾隆十六年歲次辛
未知縣朱崧撰

瀘谿縣志序

往者丙寅歲予游江右喜其山水刻露人物清雫襄羊者久之乙酉五月選授吉安府之永新將一載以前任欠隨漕款被議旋開復于丁亥冬題補是邑戊子四月履任入其境山則犖确水則瀨潭田不沃饒產不阜碩而士習民風頗爲淳樸色爲之懌眎事後取縣三志閱之支蔓叢芳漫無體製深病之急欲改修而原任蒼梧大令董帷林君以其藁來大都沿襲舊編祇增益人物百十耳唐杜佑有云言地理者在辨區域徵因草知要害察風土李吉甫云飾州邦而叙人物因丘墓而徵鬼神乃言地理者通弊至于丘壤山川攻守利害反略不書本朝萬季野斯同云

瀘谿縣志

卷首 舊序


一


著一書自有體要或其人其事無關地理不容闌入而張南軒謂修志不可不載人物典型繫焉世教補焉此則儒生之見以此點綴郡邑志則可伊普通人之論如此今予之修此志也亦不能不叙人物而芟其贅疣並刪其羸冒尙覺太溢嫌于仍貫蓋猶有人之見者存也然體例分明事跡該括不取燕說郢書不爲鉤章棘句庶幾有裁制矣邑人上之知言者或不以爲河漢乎時太歲在屠維赤奮若之皋月星翼日武威張澍介侯甫纂

繪圖

瀘谿縣志

卷首 繪圖







瀘谿縣志

卷首 繪圖


二







瀘谿縣志

卷首 繪圖



龍馬山房圖


赤境橋圖





瀘谿縣志

卷首 繪圖





瀘谿縣志總目

卷一

星野

建置

疆域

城池

公署

學校

卷二

賦役

漕折

瀘谿縣志

鹽引

卷三

形勢

山川

水利

津渡

防守

舖遞

卷四

風俗

物產

總目

卷五

祠廟

寺觀

家墓

古蹟

卷六

秩官

卷七

宦業

卷八

選舉

瀘谿縣志

總目

卷九上下

人物

卷十

列女

卷十一

流寓

仙釋

方術

休咎

卷十二上中下

藝文